



Yylaadig zem „Trummlebummle“ in Zyri

Liebi Dybli,

Mer händ's scho aadöhnt, dass mer das Joor zem erschte Mol könne ans „Trummlebummle“ nach Zyri go. Fyr die, wo kei Ahnig hän, was das söll si, isch do d' Grundidee vo däm Aalass:

Philosophie: Das Trummlebummle ist ein Anlass, an dem sich die Aktiven aller Kategorien (Trommel, Schlagwerk/ Rhythmus, stilprägende Blasinstrumente), als Gruppe oder Single, wohl fühlen sollen - unabhängig von Vereinszugehörigkeit, Standards, allfälligen Dogmen, Normen und Traditionen.

Mer traffe-n-uns also am Fritig, 21. April, 17:00 in dr Schalterhalle vom Bahnhof SBB. Do dr ungfäähri Ablauf:

Programm:	17:00	Träffpunggt in dr Schalterhalle Bahnhof SBB
	17:14	Abfahrt ab Basel SBB Gleis 3, Zug IR 1985
	18:24	Aakunft in Zyri HB Gleis 18
	aaschliessend	Mer verschiebe mit em Drämmli ins Wolfbach-Schuelhuus (ca. 4min.)
	19:00	Abmarsch bim Wolfbach Areal, vorussichtlich in zwei groose Züüg:
		Zug 1: Ordonnanz (v.a. Musikverein)
		Zug 2: Basler Zug (v.a. Gligge)
		gmeinsams Répertoire: Araabi, Läggerli, Die Alte, Whisky, Ryslaifer
	19:30	Vor em Stadthuus git's diversi Gruppe-Ständeli und gmeinsami Stügg:
		Schweizer- und Franzosentagwacht, Neue Basler Tagwacht
	aaschliessend	Gratis-Apéro
	20:15	Gässle in dr Altstadt
	22:00	Fertig. Mer verschiebe nach eme glaine Umdrungg an Bahnhof zrugg.
	23:06	Abfahrt ab Zyri HB Gleis 12 Richtig Basel SBB mit Halt in Frick
	00:16	Aakunft in Basel SBB Gleis 6
Zug-Billjee:	Mer hänn grosses Glügg, dass d' SBB im April e Sonderaktion laufe het. Mit emene Gruppebilljee kriegt so jede 60% Ermässigung uff dr Normalpriis! Folglic koschtet dä Ussflug pro Person grad moll 24 Frangge, egal eb me jetzt e U-Abo, Halbtax oder gar nyt het. Es muess niemer sälber e Billjee go kaufe.	
Köschte:	Wie gseit: 24 Frangge pro Person fyr Basel-Zyri retour. Bitte bringet dä Betraag denn PASSEND mit, damit ich's im Zug grad ka yzieh. Nit vergässe: E paar Frangge fyr's Drämmli in Zyri.	
Tenue:	E jede wie-n-är will. Einzig fyr d' Dambuure giltet: Alli könne mit dr putzte (!) schwarz-wysse Drummle. Das, damit me au gseht, dass mer us Basel könne.	
Aamälde:	Ich wär danggbar, wenn Dir mir bis spötischstens am Mäntig, 17. April e Mitteilig könntet mache, wenn Ihr möchtet mitkoh. Das nur, damit ich bi dr SBB e Platzreservation ka uffgäh. Die, wo sich scho per Mail bi mir gmolde händ, mien sich jetzt nymme mälde. Aamäldige bitte an: nicola.dreier@bluewin.ch oder e Delifoon/SMS uff 079/441 85 69.	

Ich weiss, dass die ganzi Sach relativ kurzfristig ufftaucht, aber d' Yylaadig fyr dä Aalass isch au erscht letscht Wuche yttroffe. Well mer jo zum erschte Mol gööhn, hänn mer uns fyr die Reise-Lösig entscheide. Sott dä Ussfluug aber allne guet gfalle, ka me denn nääggscht Joor jo ebbis „offiziellers“ plaane (ev. au mit Car-Reis). Do s' Trummlebummle bereits zum 13. Moll stattfindet, ka me aber glaub derfo ussgoh, dass es e glatte Obe git. Uff jede Fall isch's sicher luschtig, moll könne mit de Dybli und e huffe andere Gruppe us dr ganze Schwyz durch d' Zyrcher Altstadt z' gässle.

In däm Sinn freu ich mi uff e spannende Ussfluug. E liebe Gruess

Nicola